

An Steik me Wart Kokkot non Fansoun Osukosuk

Mwichen steik me wart ra tongeni aea ei puken kokkot pwe eu minen aninnis ren ar repwe fori ar kokkot non fansoun osukosuk (nengeni *Handbook 1: Stake Presidents and Bishops* [2010], 5.1.3 and 5.2.11). Mi och pwe an ekkewe steik me wart kokkot me an chon ewe neni kokkot repwe tipeufengen. Ekkewe souemwen ra tongeni kokkori emon chon aninis pwe epwe pwan anisi aramas non fansoun osukosuk. Ew kokkot mi mochomoch o mecheres ina ew kokkot mi och. Mi fokkun namwot pwe ekkewe steik me wart repwe asofo ar kokkot fan ekkoch.

Kinikin 1: Sinei ekkewe osukosuk

Makketiw ekkewe osukosuk (forien fonufan are forien aramas) mi tongeni fis non neniemi. Ren iteitein sokkun osukosuk, oupwe fori eu kokkotun aninis mi namwot ngeni ena osukosuk. (Ren awewe: nupwen ewe osukosuk mi torikemi a tongeni ataieno imw—ussun chechechin fonu, ekkei, noter, are taifun—oupwe achocho ne kut nenien ekkewe famini ika ena sokkun osukosuk a torir.)

Kinikin 2: Angei Poraus mi Auchea

Angei me chechemeni ekkei poraus:

- Nampan noun ekkewe memper me ekkewe misineri fon non ewe steik are wart.
- Oupwe fori echo mapen ewe neni, makketiw ia ekkewe memper me misineri ra nom ia.
- Makketiw iten ekkewe memper mi apwangapwang, ussun ekkewe mi semwen are chinap.
- Makketiw iten ekkewe memper mi angangoch (ussun ekkewe tokter are chon piuing) pun ra tongeni aninnis non fansoun osukosuk.
- Makketiw nampan ekkewe chon tumunu (ren awewe, ekkewe chon ponis, chon tumunu ekkei, are piuing).
- Makketiw iten me nampan ekkewe chon aninnis non neniemi (ren awewe, ewe Red Cross are Red Crescent) pun ra tongeni awora mettoch mi auchea, ussun mongo, imw, me aninnis non pekin inis.
- Makketiw iten me nampan chon aninis non mwichefen, me ika mi tuffich, ekkewe souemwenin aninis non Mwichefen.

Kinikin 3: Ewisa ngeni Chon Mwichefen Wiser

Pungupung fengen won ifa ussun ewe mwichefen fori ekkei mettoch mi mak fan, me esinei ngeni ion epwe wisen fori ekkei mettoch o ifa ussun epwe fori. Nupwen osukosuk mi torikemi oupwe finata ew neni oupwe chufengen ia o pwan ew neni ika mi osukosuk ewe aewin pwe oupwe emweni ekkewe chon aninis.

Me mwen fansoun osukosuk

- Ami chon ewe Mwichefen oupwe achocho ne chiechi ngeni ekkewe mwichen aninis non neniemi.

Mwirin Fansoun Osukosuk

- Oupwe kutta ekkewe memper me misineri pwe oupwe tongeni sinei ika ra feingaw.
Taropwen porausen memper epwe feito seni ekkewe sensen famini me ir repwe ngeni ekkewe souemwen, ekkewe souemwen ra aporaus ngeni ewe pisop ussun ekkewe member. Ekkewe pisop repwe wato ekkewe taropwe ren ewe presetenin steik.
- Oupwe achocho ne achufengen ekkewe famini mi aimufesen non fansoun osukosuk.
- Oupwe pwan achocho ne awora aninis non pekin inis faniten ekkewe ir mi feingaw are apwangapwang.
- Oupwe fos ngeni ekkewe mwichen aninis non neniemi pwe repwe pwan anisikemi.
- Oupwe achocho ne sinei met ekkewe memper ra aani osupwang me ngenir mettoch mi namwot—ussun mongo, imw, minen enimochu, me uf—pwe ekkewe memper me chon neniemi resap osupwang.
Oupwe tongeni tingor ekkewe chon aninis non neniemi me, ika a tuffich, ekkewe chon aninis seni Mwichefen pwe repwe wato mettoch mi namwot.
- Oupwe pwan makketiw nonnomun ekkewe Imwen Fan me pisekin Mwichefen.

Non ewe fansoun mwirin ewe osukosuk

- Oupwe anisi ekkewe chon Mwichefen ika a ta imwer o pisekir, are ra apwangapwang non netiper, are ra osukosuk non famini.
- Oupwe angang ren ekkewe chon aninis non neniemi pwe oupwe sinei ifa ussun ewe Mwichefen epwe anisi ekkewe ir non ewe neni oua nom non.

Kinikin 4: Sinei Ifa Ussun Oupwe Fos Fengen non Fansoun Osukosuk

Oupwe achocho ne sinei ifa ussun oupwe fos fengen ika mi ese wor network ren cell fon, are mi osukosuk ekkewe aan nupwen fansoun osukosuk a torikemi. Ikkei ekkei mettoch oupwe aea:

- Ewe internet(ren email, websiten poraus, me ekkewe fon won internet).
- Text message won cell fon (fan ekkoch text mi och nupwen ouse tongeni koko).
- Aea radio.
- Pwisin fetan ika wauwa bicycle pwe oupwe fos fengen. (Ekkewe misineri ra pwan tongeni aninis.)

Ika mi namwot, ekkewe souemwen ra tongeni ewisa ngeni ekkewe chon Mwichefen wisen ne kokori pwan ekkoch memper. Ewisa ngeni ekkewe mi wor nour cell fon ika radio me ra pwan sinei nounoun.

An Steik me Wart Kokkot non Fansoun Osukosuk—sopweino

Kinikin 5: Pesei Chon Mwichefen ar Repwe Ammonata

Fan chommong, pesei ngeni ekkewe chon Mwichefen pwe repwe poputa ne ammonata me aneani ekkei taropwe *All Is Safely Gathered In: Family Home Storage* (04008) and *All Is Safely Gathered In: Family Finances* (04007). Iei ussun ami oupwe fos ngeni ekkewe chon Mwichefen:

- Non mwichen Pristut me Fin Aninis.
- Non afanfan non Mwichen Sakrament me non mwichenapen steik.
- Nupwen oua churri ekkewe famini ren sensen famini are fefin chon amwa.